

Հավելված
ՀՀ հաշվեքննիչ պալատի
2025թ. հունվարի 30-ի թիվ 4-Ա որոշման

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՇՎԵՔՆՆԻՉ ՊԱԼԱՏ



ԸՆԹԱՅԻԿ ԵԶՐԱԿԱՅՈՒԹՅՈՒՆ

ՀՀ ԱՌՈՂՋԱՊԱՀՈՒԹՅԱՆ ՆԱԽԱՐԱՐՈՒԹՅՈՒՆՈՒՄ 2024 ԹՎԱԿԱՆԻ
ՊԵՏԱԿԱՆ ԲՅՈՒՋԵԻ ԻՆՆ ԱՄԻՍՆԵՐԻ ԿԱՏԱՐՄԱՆ
ՀԱՇՎԵՔՆՆՈՒԹՅԱՆ ԱՐԴՅՈՒՆՔՆԵՐԻ ՎԵՐԱԲԵՐՅԱԼ

2025

ԲՈՎԱՆԴԱԿՈՒԹՅՈՒՆ

1. Ներածական մաս	3
2. Հաղավորությունների ցանկ	5
3. Ասֆոֆագիր	6
4. Հաշվեփշենության հիմնական սրբություններ	7
5. ՀՀ սոցիալառականության նախարարության 2024 թվականի ՊԵՏԱԿԱՆ ԲՅՈՒՋԵԻ ԻՆՆ ԱՄԻՍՆԵՐԻ ՖԻՆԱՆՍԱԿԱՆ ՑՈՒՑԱՆԻՇՆԵՐԸ	9
6. ՀԵՏՏՎՈՂԱԿԱՆ ԳՈՐԾԸՆԹԱՑ	11
7. ՀԱՎԵԼՎԱԾՆԵՐ ԵՎ ԱՅԼ ՏԵՂԵԿԱՏՎՈՒԹՅՈՒՆ	12
8. ԱՌԱՋԱՐԿՈՒԹՅՈՒՆ	15

1. ՆԵՐԱԾԱԿԱՆ ՄԱՍ

Հաշվեքննության հիմքը¹

Հաշվեքննիչ պալատի 2024 թվականի հոկտեմբերի 31-ի թիվ 105-Ա որոշում:

Հաշվեքննության օբյեկտը

Հայաստանի Հանրապետության առողջապահության նախարարություն:

Հաշվեքննության առարկան

2024 թվականի պետական բյուջեի ինն ամիսների մուտքերի ձևավորման և ելքերի իրականացման կանոնակարգված գործունեություն:

Հաշվեքննության առարկայի չափանիշները

«Բնակչության բժշկական օգնության և սպասարկման մասին» ՀՀ օրենք, «ՀՀ բյուջետային համակարգի մասին» ՀՀ օրենք, «Գանձապետական համակարգի մասին» ՀՀ օրենք, «Հանրային հատվածի կազմակերպությունների հաշվապահական հաշվառման մասին» ՀՀ օրենք, ՀՀ կառավարության 2004 թվականի մարտի 4-ի «Պետության կողմից երաշխավորված անվճար և արտոնյալ պայմաններով բժշկական օգնության և սպասարկման մասին» № 318-Ն որոշում, ՀՀ կառավարության 2023 թվականի դեկտեմբերի 28-ի «ՀՀ 2024 թվականի պետական բյուջեի կատարումն ապահովող միջոցառումների մասին» № 2323-Ն որոշում, ՀՀ կառավարության 2018 թվականի հունիսի 11-ի «Հայաստանի Հանրապետության առողջապահության նախարարության կանոնադրությունը հաստատելու մասին» № 728-Լ որոշում, ՀՀ ֆինանսների նախարարի 2019թ. մարտի 13-ի № 254-Ն հրաման և այլ իրավական ակտեր:

Հաշվեքննությունն ընդգրկող ժամանակաշրջանը

2024 թվականի հունվարի 1-ից 2024 թվականի սեպտեմբերի 30-ը ներառյալ:

Հաշվեքննության կատարման ժամկետը

2024 թվականի նոյեմբերի 4-ից 2025 թվականի հունվարի 31-ը ներառյալ:

¹ «Հաշվեքննիչ պալատի մասին» ՀՀ օրենքի 27-րդ հոդվածի 1-ին մասի համաձայն սույն Ընթացիկ եզրակացությունն օգտագործվում է ՀՀ 2024 թվականի պետական բյուջեի կատարման վերաբերյալ եզրակացությունը կազմելու համար:

Հաշվեքննության մեթոդաբանությունը²

Ֆինանսական և համապատասխանության հաշվեքննություն է իրականացվել համապատասխան մեթոդաբանությունների համաձայն:

Հաշվեքննությունն իրականացրած կառուցվածքային ստորաբաժանում

Հաշվեքննությունն իրականացվել է Հաշվեքննիչ պալատի ֆինանսական և համապատասխանության հաշվեքննության վարչության կողմից, որի աշխատանքները համակարգում է Հաշվեքննիչ պալատի անդամ Գագիկ Բարսեղյանը:

² «Հաշվեքննիչ պալատի մասին» ՀՀ օրենքի 58-րդ հոդվածի 2-րդ մասի համաձայն Հաշվեքննիչ պալատի հաշվեքննությունների մեթոդաբանությունները հիմնված են Բարձրագույն հաշվեքննիչ մարմինների միջազգային կազմակերպության (INTOSAI) սկզբունքների, սրանդարտների ու ուղեցույցների վրա:

2. ՀԱՊԱՎՈՒՄՆԵՐԻ ՑԱՆԿ

ՀՀ	Հայաստանի Հանրապետություն
ՀՊ	ՀՀ հաշվեքննիչ պալատ
ԱՆ	Նախարարություն
ԱՐՄԵԴ	Առողջապահական էլեկտրոնային համակարգ

3. ԱՄՓՈՓԱԳԻՐ

Նախարարությունում 2024 թվականի պետական բյուջեի ինն ամիսների մուտքերի ձևավորման և ելքերի իրականացման կանոնակարգված գործունեության հաշվեքննությամբ արձանագրված ուշագրավ փաստերից է.

- Փորձարարական եղանակով 2024 թվականի հունվարի 1-ից դեկտեմբերի 31-ը պայմանագրային գումարի չսահմանափակման սկզբունքը, ի լրումն մինչ այդ 5 միջոցառումների՝ կիրառվում է նաև Հայաստանի Հանրապետության 2024 թվականի պետական բյուջեի «Առողջապահություն» բաժնի 18 միջոցառումների համար:

4 ՀԱՇՎԵՔՆՆՈՒԹՅԱՆ ՀԻՄՆԱԿԱՆ ԱՐԴՅՈՒՆՔՆԵՐԸ³

2024 թվականի ինն ամիսների ընթացքում հաշվեքննության համար էական նշանակություն ունեցող հարցերի՝ պետական բյուջեով նախատեսված՝ 80,471,905.21 հազ. դրամ ընդհանուր գումարով միջոցառումների գծով փաստացի ծախսերը հիմնավորող անալիտիկ տվյալներով (ըստ շահառուների՝ անձի իդենտիֆիկացիոն համարի, ծառայության մատուցման սկզբի, ավարտի), կազմակերպությունների, ծառայությունների ծածկույթի (քառանիշ կոդի) և ծառայության անվանման/տեսակի (յոթանիշ կոդի նշումներով) տեղեկատվությունը դեռևս ամբողջությամբ հասանելի չէ՝ բժշկական գաղտնիք հանդիսանալու պատճառաբանությամբ:

Ըստ այդմ, սահմանափակվել է ծառայությունների ձեռքբերման պայմանագրերի շրջանակներում պետական բյուջեից կատարված վճարումների օրինականության և հաշվետվությամբ արտացոլված ցուցանիշների արժանահավատությունը գնահատելու հնարավորությունը: Մասնավորապես, հնարավոր չի եղել գնահատել թե արդյո՞ք առկա են համընկնումներ պետական բյուջեից միևնույն ծառայության դիմաց, նույն շահառուին, նույն ժամանակահատվածում՝ վճարվի հիմունքներով մատուցված, Հայաստանի Հանրապետությունում չգտնվող անձանց, զինծառայողներին և նրանց հավասարեցված անձանց դեպքերում կատարված վճարումների հետ:

Հետևյալովական գործընթացի շրջանակում հարկ է նշել, որ

- Հաշվեքննությամբ ընդգրկված ժամանակաշրջանի ավարտի դրությամբ Նախարարության կողմից հաշվապահական հաշվառումը դեռևս չի վարվում տվյալ ոլորտը կարգավորող օրենսդրության պահանջների՝ Հայաստանի Հանրապետության հանրային հատվածի հաշվապահական հաշվառման ստանդարտի, հաշվային պլանի և դրա կիրառման հրահանգի, ֆինանսական հաշվետվությունների օրինակելի փաթեթի և լրացման ցուցումների հիման վրա («Հանրային հատվածի կազմակերպությունների հաշվապահական հաշվառման մասին» ՀՀ օրենքի 3-րդ հոդված):
- Հայաստանի Հանրապետության կառավարության 2011 թվականի հուլիսի 28-ի «Պետության կողմից երաշխավորված անվճար բժշկական օգնություն և սպասարկում իրականացնող առևտրային կազմակերպությունների

³ Հաշվեքննությունը նպատակ է հետապնդել հաշվեքննության առարկային վերաբերելի տեղեկատվության ներկայացուցչական ընտրանքով (100%-ից փոքր) ձեռք բերել բավարար, համապատասխան հաշվեքննության ապացույցներ, որոնց կուրակմամբ ձևավորվելու է պետական բյուջեի փարեկան կադրման վերաբերյալ եզրակացությունը՝ ներառյալ հաշվեքննության կարծիքը, որով պետք է արտահայտվի ողջամիտ (ոչ բացարձակ) հավաստիացում առ այն, թե պետական բյուջեի կադրման վերաբերյալ փարեկան հաշվետվությունը, բոլոր էական առումներով, ներկայացնում է արդյոք ՀՀ պետական բյուջեի մուտքերի ձևավորման և ելքերի իրականացման կանոնակարգված գործունեության ճշմարիտ ու իրական պատկերը:

Ֆինանսատնտեսական հաշվետվության օրինակելի ձևը հաստատելու մասին» № 1058-Ն որոշման համաձայն բժշկական կազմակերպությունների կողմից ներկայացվող 2023 թվականի ֆինանսատնտեսական հաշվետվությունները պետք է հրապարկվեն Նախարարության պաշտոնական կայքէջում, որը հաշվետու ժամանակահատվածում կատարված չէ:

Հաշվեքննության արդյունքում խեղաթյուրումներ և անհամապատասխանություններ չեն հայտնաբերվել:

5. ՀՀ ԱՌՈՂՋԱՊԱՀՈՒԹՅԱՆ ՆԱԽԱՐԱՐՈՒԹՅԱՆ 2024 ԹՎԱԿԱՆԻ ՊԵՏԱԿԱՆ ԲՅՈՒՋԵԻ ԻՆՆ ԱՄԻՍՆԵՐԻ ՖԻՆԱՆՍԱԿԱՆ ՑՈՒՑԱՆԻՇՆԵՐԸ

Նախարարությանը, որպես ծրագրերի կատարողի, 2024 թվականի պետական բյուջեի ինն ամիսների պլանով նախատեսվել է 100,351,656.60 հազ. դրամ, ճշտված պլանը կազմել է 105,729,202.70 հազ. դրամ, ֆինանսավորումը՝ 100,399,999.65 հազ. դրամ, փաստը (դրամարկղային ծախսը)՝ 100,249,637.02⁴ հազ. դրամ, փաստացի ծախսը՝ 106,931,186.17 հազ. դրամ:

Հաշվետու ժամանակահատվածում ճշտված պլանի նկատմամբ դրամարկղային ծախսը կազմել է 94.81%: Ըստ ծրագրերի ցուցանիշները ներկայացված են աղյուսակ 1-ում:

Աղյուսակ 1

Նախարարության 2024 թվականի պետական բյուջեի ինն ամիսների ցուցանիշները

(հազար դրամ)

Ծրագրի շնորհիվ	ԾՐԱԳՐԻ ԱՆՎԱՆՈՒՄԸ	Հաշվետու ժամանակահատվածի պլան	Հաշվետու ժամանակահատվածի ճշտված պլան	Փաստ	Փաստացի ծախս
	Ընդամենը	100,351,657	105,729,203	100,249,637	106,931,186
1003	Հանրային առողջության պահպանում	4,034,682	3,999,682	3,960,284	3,674,910
1015	Սոցիալական փաթեթների ապահովում	0	18,000	14,198	15,979
1053	Առողջապահության համակարգի արդիականացման և արդյունավետության բարձրացման ծրագիր	1,988,687	2,357,005	1,503,827	1,495,274
1099	Առողջության առաջնային պահպանում	22,404,295	21,696,295	21,575,898	23,646,648
1110	Այլընտրանքային աշխատանքային ծառայություն	4,950	2,040	1,380	1,500
1126	Առողջապահության ոլորտում պետական քաղաքականության մշակում, ծրագրերի համակարգում և մոնիտորինգ	3,799,104	3,176,332	1,515,388	1,681,323
1142	Դատաբժշկական և ախտաբանաանատոմիական ծառայություններ	405,054	405,054	400,302	453,757
1188	Դեղապահովում	3,230,000	3,549,752	2,880,004	3,092,667
1191	Խորհրդատվական, մասնագիտական աջակցություն և հետազոտություններ	220,582	240,582	228,597	260,981
1200	Մոր և մանկան առողջության պահպանում	16,303,708	15,622,693	15,535,580	16,928,493
1201	Շտապ բժշկական օգնություն	3,761,989	4,161,989	3,993,136	4,173,530

⁴ Դրամարկղային ծախսի ցուցանիշում ներառված է նաև «Առողջապահության համակարգի արդիականացման և արդյունավետության բարձրացման ծրագիր» (1053) շրջանակում վարկային (85,354.8 հազ. դրամ) և դրամաշնորհային (882,265.71 հազ. դրամ) միջոցներից կատարված ծախսերը:

1202	Ոչ վարակիչ հիվանդությունների բժշկական օգնության ապահովում	15,235,489	17,484,890	16,856,525	17,989,745
1207	Սոցիալապես անապահով և առանձին խմբերի անձանց բժշկական օգնություն	27,345,113	30,686,552	29,762,145	31,357,152
1208	Վարակիչ հիվանդությունների կանխարգելման ծրագիր	1,618,005	2,328,338	2,022,374	2,159,227

6. ՀԵՏՀՍԿՈՂԱԿԱՆ ԳՈՐԾԸՆԹԱՑ

ՀՀ 2024 թվականի պետական բյուջեի ինն ամիսների կատարման հաշվեքննության շրջանակում ուսումնասիրվել է նաև նախորդ՝ 2024 թվականի պետական բյուջեի երեք և վեց ամիսների կատարման հաշվեքննության արդյունքների վերաբերյալ ընթացիկ եզրակացությամբ արձանագրված անհամապատասխանությունների վերացման, առաջարկությունների իրականացման հետ կապված հարցերի ընթացքը:

- Հաշվեքննությամբ ընդգրկված ժամանակաշրջանի ավարտի դրությամբ Նախարարության կողմից հաշվապահական հաշվառումը դեռևս չի վարվում տվյալ ոլորտը կարգավորող օրենսդրության պահանջների՝ Հայաստանի Հանրապետության հանրային հատվածի հաշվապահական հաշվառման ստանդարտի, հաշվային պլանի և դրա կիրառման հրահանգի, ֆինանսական հաշվետվությունների օրինակելի փաթեթի և լրացման ցուցումների հիման վրա («Հանրային հատվածի կազմակերպությունների հաշվապահական հաշվառման մասին» ՀՀ օրենքի 3-րդ հոդված):
- ՀՀ կառավարության 2011 թվականի հուլիսի 28-ի «Պետության կողմից երաշխավորված անվճար բժշկական օգնություն և սպասարկում իրականացնող առևտրային կազմակերպությունների ֆինանսատնտեսական հաշվետվության օրինակելի ձևը հաստատելու մասին» № 1058-Ն որոշման համաձայն բժշկական կազմակերպությունների կողմից ներկայացվող 2023 թվականի ֆինանսատնտեսական հաշվետվությունները պետք է հրապարկվեին Նախարարության պաշտոնական կայքէջում, որը հաշվետու ժամանակահատվածում կատարված չէ:

Հաշվեքննիչ պալատի 2024 թվականի նոյեմբերի 7-ի թիվ ՀՊԵ/01/696-2024 գրությամբ՝ Նախարարությանն է առաքվել ՀՀ հաշվեքննիչ պալատի հոկտեմբերի 31-ի № 98-Ա որոշմամբ հաստատված «Հայաստանի Հանրապետության առողջապահության նախարարությունում 2024 թվականի պետական բյուջեի վեց ամիսների կատարման հաշվեքննության արդյունքների վերաբերյալ ընթացիկ եզրակացությունը», որով Նախարարությանն առաջարկվել էր տվյալ ընթացիկ եզրակացությունում ներկայացված առաջարկությունների հիման վրա մշակել և հաստատել միջոցառումների ծրագիր, որը կպարունակի յուրաքանչյուր միջոցառման համար պատասխանատու ստորաբաժանում(ներ)ը և միջոցառման կատարման ժամանակացույցը:

7. ՀԱՎԵԼՎԱԾՆԵՐ ԵՎ ԱՅԼ ՏԵՂԵԿԱՏՎՈՒԹՅՈՒՆ

Հավելված 1

Հաշվեքննության առարկայի գծով 2024թ. պետական բյուջեի երեք և վեց ամիսների կատարման հաշվեքննությունների արդյունքների վերաբերյալ ընթացիկ եզրակացություններում Հաշվեքննիչ պալատի կողմից ներկայացված առաջարկությունների կատարման ընթացքի վերաբերյալ

№	Հաշվեքննիչ պալատի առաջարկությունները	Նախարարության դիրքորոշումը			Ծանոթագրություն ՀՊ մեկնաբանությունը
		Ընդունելի է/ Ընդունելի չէ	Կատարված է/ Ընթացքում է	Պարզաբանում / Բացատրություն	
1	Հաստատել բժշկական օգնության և սպասարկման ծառայությունների մատուցման պայմանագրային գների հիմնավորվածությունն ապահովող գնագոյացման մեթոդաբանությունը:	ԸՆԴՈՒՆԵԼԻ է	ԸՆԹԱՑՔՈՒՄ է	Պետության կողմից երաշխավորված անվճար և արտոնյալ պայմաններով բժշկական օգնության և սպասարկման ծառայությունների մատուցման պայմանագրային գների հիմնավորվածությունն ապահովող գնագոյացման մեթոդաբանության ապահովման նպատակով պարբերաբար, ըստ անհրաժեշտության, իրավամեթոդաբանական հիմքերի պահպանմամբ իրականացվում են բժշկական օգնության և սպասարկման ծառայությունների գնագոյացման հանձնաժողովի նիստեր	Անդրադարձ կկատարվի հաջորդիվ իրականացվող հաշվեքննություն ների ընթացքում
2	Ապահովել «ԱՐՄԵԴ» էլեկտրոնային առողջապահական համակարգում առկա տվյալների (ծառայությունների քառանիշ, յոթանիշ ծածկագրերի շտեմարան) ինքնաշխատ եղանակով պետական գանձապետական էլեկտրոնային վճարումների, գանձապետական հաշվետվությունների համակարգերի, նախարարությունում ներդրված հաշվապահական հաշվառում վարման համակարգչային ծրագրերի հետ փոխգործելիությունը (համակցելիությունը):	ԸՆԴՈՒՆԵԼԻ է	ԿԱՏԱՐՎԱԾ է	«Արմեդ» էլեկտրոնային առողջապահության համակարգը արդեն իսկ համակցված է գանձապետական հաշվետվությունների համակարգերի հետ, փոխգործելիությունն իրականացվում է Հայաստանի Հանրապետության պետական բյուջեի «Առողջապահություն» բաժնի ծրագրերի և միջոցառումների շրջանակներում, որոնք ձևավորվում են «Արմեդ» էլեկտրոնային առողջապահության համակարգում ծառայությունների յոթանիշ ծածկագրերով ձևավորված քառանիշ ծածկագրերի խմբավորման միջոցով:	Անդրադարձ կկատարվի հաջորդիվ իրականացվող հաշվեքննություն ների ընթացքում

Հավելված 2

Հաշվեքննության առարկայի գծով 2024 թվականի պետական բյուջեի երեք և վեց ամիսների կատարման հաշվեքննությունների արդյունքների վերաբերյալ ընթացիկ եզրակացություններում Հաշվեքննիչ պալատի կողմից արձանագրված անհամապատասխանությունների վերացման վերաբերյալ

№	Հաշվեքննիչ պալատի կողմից արձանագրված անհամապատասխանություն / խեղաթյուրում	Նախարարության դիրքորոշումը		Ծանոթագրություն (ՀՊ մեկնաբանությունը)
		վերացված է/ վերացված չէ/ ընթացքում է	Պարզաբանում / Բացատրություն	
1	Նախարարության կողմից չի պահպանվել «Հանրային հատվածի կազմակերպությունների հաշվապահական հաշվառման մասին» ՀՀ օրենքի 6-րդ հոդվածի 1-ին մասով սահմանված պահանջը, համաձայն որի «Կազմակերպությունները պարտավոր են հաշվապահական հաշվառումը վարել հաշվապահական հաշվառման ոլորտը կարգավորող օրենսդրության պահանջներին համապատասխան հաշվապահական հաշվառում վարելու հնարավորություն ընձեռող համակարգչային ծրագրերով:	ԸՆԹԱՑՔՈՒՄ Է	Առողջապահության նախարարության ֆինանսատնտեսագիտական վարչության հաշվապահական հաշվառման բաժինը սույն թվականի հունվարի 1-ից հաշվապահական հաշվառումն ամբողջությամբ իրականացնում է հանրային հատվածի հաշվապահական հաշվառման ստանդարտին համապատասխան, բացառությամբ հիմնական միջոցների: Հաշվի առնելով նախարարության առանձնահատկությունները՝ անցումային շրջանը բավականին աշխատատար ու ժամանակատար էր, քանի որ ամբողջ տարվա ընթացքում կատարվել է կենտրոնական ապարատի, կենտրոնացված կարգով դեղորայքի ձեռքբերման, պատվաստանյութերի ձեռքբերման, առողջապահական կազմակերպությունների վերազինման, հանրային առողջության պահպանման ծրագրերի համապատասխանեցում նոր ծրագրին, ինչն էլ հանդիսացել է պատճառ, որ հիմնական միջոցների վարումը ժամանակի սղության պատճառով դեռ չի իրականացվում հանրային հատվածի հաշվապահական հաշվառման ստանդարտին համապատասխան: Միաժամանակ տեղեկացնում եմ, որ 2024 թվականի նոյեմբերից անցկացվում է գույքագրում: Արդյունքների ամփոփումից հետո հիմնական միջոցների հաշվառումը նույնպես կիրականացվի հանրային հատվածի	ՎԵՐԱՑՎԱԾ ՉԷ

			հաշվապահական հաշվառման ստանդարտին համապատասխան:	
2	Առկա է անհամապատասխանություն ՀՀ կառավարության 2011 թվականի «Պետության կողմից երաշխավորված անվճար բժշկական օգնություն և սպասարկում իրականացնող առևտրային կազմակերպությունների ֆինանսատնտեսական հաշվետվության օրինակելի ձևը հաստատելու մասին» N° 1058-Ն որոշման 2-րդ կետի պահանջների մասով, ըստ որի կազմակերպությունների տարեկան հաշվետվություններն Նախարարության կողմից ամփոփվում և տեղադրվում են Հայաստանի Հանրապետության առողջապահության նախարարության պաշտոնական կայքէջում մինչև հաշվետու տարվան հաջորդող տարվա մարտի 31-ը:	<i>ԸՆԹԱՑՔՈՒՄ Է</i>	ՀՀ կառավարության 2011 թվականի հուլիսի 28-ի 1058-Ն որոշման կատարման մասով իրականացվում են ԱՐՄԵԴ համակարգի հետ համադրման աշխատանքներ, որի արդյունքում հնարավոր կլինի հաշվետվություններ գեներացնել մեկ փաստաթղթում: Միաժամանակ հայտնում են, որ նախատեսվում է փոփոխել 1058-Ն որոշումը, այլ կարգավորումներ սահմանելու նպատակով:	ՎԵՐԱՑՎԱԾ ՉԷ

8. ԱՌԱՋԱՐԿՈՒԹՅՈՒՆ

1. Հայաստանի Հանրապետության առողջապահության նախարարությանը՝

Ելնելով ընթացիկ հաշվեքննության արդյունքներից և նկատի ունենալով նախորդ՝ 2023 թվականի և 2024 թվականի վեց ամիսների պետական բյուջեի կատարման հաշվեքննություններով արձանագրված խնդիրների լուծված չլինելու հանգամանքը, առաջարկվում է.

- 2023 թվականի պետական բյուջեի տարեկան կատարման և 2024 թվականի պետական բյուջեի վեց ամիսների կատարման հաշվեքննությամբ ներկայացված առաջարկությունների իրագործման նպատակով հաստատել միջոցառումների ծրագիր՝ յուրաքանչյուր միջոցառման համար սահմանելով պատասխանատու ստորաբաժանում(ներ)ը և միջոցառման կատարման ժամանակացույցը:

Գագիկ Բարսեղյան 
Հաշվեքննիչ պալատի անդամ

«30» հունվար, 2025 թվական

ՀՀ հաշվեքննիչ պալատ,
Մ.Բաղրամյան 19, Երևան
Հայաստանի Հանրապետություն